

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Suliassat nalinginnaasut

Imm. 04 Sarfannguit aqqusernga

Imm. 05 Errorsisarfimmi unnuisarfik

Imm. 06 Kommune-mi aalajangersimasumik sulisut nakkutigineqarnerat

Imm. 07 Sarfannguani majuartarfiit ikaartarfiit aserfallassimasut iluarsarneqarnissaat

Imm. 08 Aasap naggataarnersiornissaanut qinnuteqaat / Itilleq

Imm. 09 Nunaqarfimmi aqutsisut oqaluuserisassanngortitsisisarnissaat

Imm. 10 Timersortarfeeqqap sulisoqarnissaa, ammaanersiornissaq atserneqarnissaalu

Imm. 11 Umiatsiaaqqeriviup eqqaa

**Imm. 12 Itillimi kateriffiup peqatigiiffik ”Katersortarfittaarniaqatigiit”-niit
tiguneqarnissaani qinnuteqaat**

Imm. 13 Paasissutissiissutit / Ilisimatitsissutit

Imm. 14 Tamalaat



Ataatsimiinneq aallartippoq nal. 10.06

Peqataasut:

Naleraq

Erneeraq Jensen, Batseba Karlsen, Amalie Dahl

Siumut

Pele Enoksen, Dorthe Olsen

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigivaat.



Imm. 02 Siulittaasup nalunaarutaa
Siulittaasup tulliata nalunaarutaa

Ilanngussat

Siulittaasup nalunaarutaa

Sarfanguani nunaqarfimmi aqutsisunut ilaasortap nalunaarutaa



Imm. 03 Powerbi

J.nr.03.00.04

Maleruagassatigut tunngavissat

Karseqarnikkut Qeqqata Kommunia-ta maleruagassaa.

Innersuussut

Allaffeqarfiup innersuussutigaa, ilaasortanit tusaatissatut tiguneqassasut

Aalajangiineq

Ilaasortanit tusaatissatut tiguneqarput.



Imm. 04 Sarfannguit aqqusernga

J.nr.

Oqaluuserisassanngortitsisoq Sarfannguani nunaqarfimmi aqutsisuni ilaasortaq
Dorthe Olsen, oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Sarfannguup aqqusernga sivitsortumik suliarineqanngilaq aqqusinigissarneqarani
pisariaqarlunnarpoq aqquserngup iluarsarneqarnissaa aqqusiniginnassarneqarnissaa.

Pissutsit atuuttut:

Sivitsortumik aqqusineq ajorluinnartoq atugarineqarpoq ATV -nut aserfallannarseqqalluni,
pisuinnartunullu assut ulorianarseqqalluni pingaartumik utoqqarnut assut ulorianarseqqavoq.
Sanaartortut oqimaatsunik majuussuinnerminni aqqusineq atoruminaalliseqqagamikku.

Innersuussut

Allaffeqarfiup innersuussutigivaa, oqaluuserineqassasoq Teknikkeqarfimmullu
saaffiginnissutigineqassasoq.

Aalajangiineq

Sarfannguani allaffimmi sulisoqannginnera pissutigalugu Itillimiik vejformand ikiortigalugu sioqqat
ujaraaqqallu qanoq amerlatigissanersut naatsorsoriarlugit piniarneqarnissaat
siunnersuutigineqarpoq.

Imm. 05 Errorsisarfimmi unnuisarfik

J.nr.

Oqaluuserisassanngortitsisoq nunaqarfimmi aqutsisuni ilaasortaq Amalie Dahl Itilleq, oqaluuserisassaq siulittaasumit Erneeraq Jensen-mit oqaluuserisassatut akuersissutigineqarpoq.

Tunuliaqutaq:

Avataaniit aammalu nunaqarfimmiut unnuisarfimmi unnuisartut naammagittaalliutigisaleqqavaat unnuisarfiup errorsisarfimmi ulloq naallugu suliffiusumi inissisimanera.

Pissutsit atuuttut:

Unnuiffigalugu ullut arlerlugit inigisussaallugu naleqqukunnaarpoq unnuissarfiup errorsisarfimmi inissisimanera. Tipigissaatinillu sapigaqartuugaanni ulloq naallugu naamasariaqartarnek aammalu nerisarfiginiaanni sulisut asoorseeqqaartarneri, eqqissisimaarfigineqarsinnaalertarneralu kingusinnermik.

Tulluarunnaaqqavoq allamik eqqarsartoqartariaqaleqqavoq.

Innersuussut

Allaffeqarfiup innersuussutigivaa, utoqqaat inissiaat affarleriit atorneqaratik uninngaannaleqqasut aappaaluunniit unnuisarfittut atulersinnaanera misissorneqartariaqarpoq INI A/S –mullu saaffiginnissutigalugu.

Aalajangiineq

Ilaasortaniit siunnersuutigineqarpoq allaffeqarfimmiit kommunaldirektor-ikkunnut paasiniarneqassasoq qinnutigineqassasorlu Itillimi kommunep illuutai inoqanngitsut unnuisarfittut utaqqiisaarutaasumik atorneqarsinnaanersut, taava ukiup tulliani aningaasaliissutit nutaat takkuppata illuaraliassamik unnuisarfissatut atorsinnaasumik piniartoqassasoq.

Imm. 06 Kommune-mi aalajangersimasumik sulisut nakkutigineqarnerat

J.nr.

Oqaluuserisassanngortitsisoq nunaqarfimmi aqutsisuni ilaasortaq Amalie Dahl Itilleq, oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Suliffimmik paarsisuulluni piumasaqaatillu malillugit sulisuulluni isiginarpoq Kommunip ataani suliffillit piffissamik eqquinnginnerujussuat aamma sulinngitsuukulaneq atugaavallaartut aaqqiivinissaanut iliuusissamik ujatuinissaq

Pissutsit atuuttut:

Kommunip ataani sulisut ersarissumik suliffimminnut tunniusimannnginnerat aammalu sulinngitsuukulanerat nunaqarfimmi aqutsisuusut aaqqiissutissamik ujartuisariaqarput .

Innersuussut:

Allaffeqarfiup innersuussutigivaa,nunaqarfimmi aqutsisut sulitsisuunngimmata, pineqartut sulitsisisuinut saaffiginnittoqartariaqartoq.

Aalajangiineq

Ilaasortaniit siunnersuutigineqarpoq nunaqarfiup iluani suliffeqarfiit sulitsisisuinut saaffiginnittoqassasoq.



Imm. 07 Sarfannguani majuartarfiit ikaartarfiit aserfallassimasut iluarsarneqarnissaat J.nr.

Oqaluuserisassanngortitsisoq nunaqarfimmi aqutsisuni ilaasortaq Dorthe Olsen
Sarfannguit,oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Nutarterneqarnissaat aammalu ilai utoqqarnut pisinnaajunnaariartortunut pisinnaanngitsunullu naleqqukkunnaaqqammata, aammalu meeqqanut inersimasunullu atuisunut tamanut ulorianarseqqammata iluarsarneqanngikkunik taarserneqarnissaat anguniartariaqarpoq.

Pissutsit atuuttut:

Ukiuni arlalinngortuni majuartarfiit ikaartarfiillu nutarterneqaratik aserfallakkaluttuinnartut, aammalu majuartarfiit tigummiveqaratik napasqaratik (ungaloqaratik), utoqqarnut pitsorluttunut aammalumi meeqqanut mikisunut ulorianarseqqallutik, kiisa innuttaasut ilai nakkartaleqqapput, aqqutigijunnaariartorlugillu.

Innersuussut:

Allaffeqarfiup innersuussutigivaa, kto 18-nikup imai paaseriarlugit neqeroorusiortitsisoqassasoq Teknikkeqarfik peqatigalugu.

Aalajangiineq

Ilaasortaniit aalajangerneqarpoq konto 18-ikup imai takoriarlugit piaartumik teknikkeqarfik peqatigalugu sanasunik neqeroorusiortitsisoqassasoq majuartarfiit ikaartarfiillu iluarsartuunneqarnissaanut.

Imm. 08 Aasap naggataarnersiornissaanut qinnuteqaat / Itilleq

J.nr.

Oqaluuserisassaq Itillimi katersortarfittaarniaqatigiit “Kateriffik” qinnuteqaataa, oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Aasap naggataarnersiornissamut atugassanik aningaasanik 3.000,00 kr-nik qinnuteqarput. Taakkulu atorineqarnissaat imatut takorloorneqarput:

- Meeqqanngoorutissanut,
- Naatitat sassaalliutissat.
- Ullaakkorsiutissat nunaqqatigiinnut.
- Ullukkut nereqatigiinnermi nerisassanut akussat.

Pilersaarutigineqarpoq 13.September 2025 ingerlanneqassasoq.

Innersuussut

Allaffeqarfiup innersuussutigivaa, qinnuteqaatigineqarpoq akuersissutigineqassasoq

Aalajangiineq

Ilaasortaniit qinnuteqaat itigartitsissutigineqarpoq.

Qinnuteqartoqaqqissappat qinnuteqaat ersarissarluagaq pilersaarusiortuagaq atsiorneqartalillu qinnuteqaatigineqarnissaa innersuussutigaa.

Imm. 09 Nunaqarfimmi aqutsisut oqaluuserisassanngortitsisarnissaat

J.nr

Oqaluuserisassanngortitsoq nunaqarfimmi aqutsisuni ilaasortaq Dorthe Olsen Sarfannguit,oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Oqaluuserisassanngortitsiuarmissaq pisariaqarmat suulluunniit oqaluuserisassanngortittarnissaat pisariaqartinneqarpoq.

Pissutsit atuuttut:

Ulloq manna arlaleriarlutik ataatsimiissutissatut oqaluuserisassanngortitseqqaatik atsioqataaffinik arlalinnik isumaqatigiissuteqarfigineqarpoq, ilaatigut allakkiat ulloqanngitsut pilertortumik suliassatut inissitat, torersumik sulinissaq pingaartinneqarpoq.

Innersuukkusunnarporlu sunaluunniit suliaq nunaqarfimmi aqutsisut ataatsimiinnissamut oqaluuserisassanngortitseqqartarnissaq pisariaqartinneqarmat/kissaatigineqarlunilu kingullertigut oqarasuaatikkut isumasiuineq periarfissarlu kingulliujaannartoq kisima utaqineqarluni, tamannalu iliuuseqarnissamut periarfissaq kingulliusarmat pisussaaffittut akuersisariaqarneq ilungersunartutut malitassanillu malinninnginnertut tigummerusunnagu peqatiserinnippoq.

Innersuussut

Allaffeqarfiup innersussuutigivaa, ilaasortanit torersumik oqallisigineqassasoq

Aalajangiineq

Ilaasortanit tusaatissatut tiguneqarpoq, nunaqarfimmi aqutsisuni ilaasortat akuersissutigivaat suliat nunaqarfimmi aqutsisut ilaasortat tamarmiullutik oqaluuserisassat qinnuteqaatillu paasinartut torersumillu allatat anngunneqartassasut.

Imm. 10 Timersortarfeeqqap sulisoqarnissaa, ammaanersiornissaq atserneqarnissaalu

J.nr.

Oqaluuserisassanngortitsisoq Dorthe Olsen Sarfannguit, oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Timersortarfeeqqap ammarnissaanut piareersaateqarnissaq pingaaruteqarpoq, tamaattumik aaliangersimasumik inuttaqarnissaa pisarialerujussuuvoq aserfatsaaliorneqassappat timersortussanullu aaqquissuussinnaasumik inuttaqarnissaa atavartumik sulisinnaasumik akisussaaffimmillu tiguisinnaasumik.

Taamatullu ammaanersiornissamut peqatigiittoqarnissaa nunaqarfimmi siulittaasut tikilluaqqusisunissaa.

Atserneqarnissaalu pisariaqassappat aaliangiiveqatigiissinnaagutta atserneqassanersoq, neqeroortitsinerlu pilersaaarusioreernissai pisariaqarpoq.

Pissutsit atuuttut:

Massakkut sivitsortumik suliaq ingerlanneqarpoq aammalu paasissutissanik tunineqarneq ajorput, suliaq sumut killinnera pillugu sulliumaartussanillu paasissutissanik tunniussisoqarneq ajorpoq, taamaattumik sillimaffigisariaqarpoq eqqartoreerlugit qulaani pineqartut;

- Ataavartumik sullissisoqalernissaa
- Ammaanersiornissamut oqaaseqartussaq / tikilluaqqusisussaq.
- Atserneqassanersoq

Oqaluuserineqarnissai tamarmik pingaaruteqarpoq ataavartumik sulisoqalernissaa, Ammaanersiornissamut tikilluaqqusinissaq pillugu, atserneqassanersorlu paasereernissai qanillivallaartinngat suliaq tunniunneqarnissaa qanillimmat.

Innersuussut

Allaffeqarfiup innersuussutigivaa. Timersortarfeerassap kimit akisussaaffigineqarnera paasiniarneqassasoq, nunaqarfiit ilaanni timersortarfeeraq atuarfeqarfimmiit tigummineqarmat.

Aalajangiineq

Ilaasortaniit tusaatissatut tiguneqarpoq, timersortarfeerassaq naammassippat kommunalbestyrelsep aaliangerneratigut paasinarsiumaartoq timersortarfik kimut tunniunneqarnersoq atserneqarnissaanut sulisoqalernissaanullu aaliangernissamut.

Imm. 11 Umiatsiaaqqeriviup eqqaa

J.nr.

Oqaluuserisassanngortitsisoq nunaqarfimmi aqutsisuni ilaasortaq Dorthe Olsen Sarfannguit, oqaluuserisassaq siulittaasumit Erneeraq Jensen-mit akuersissutigineqarpoq.

Tunuliaqutaq:

Umiatsiaqqerivik imeqarfiullu eqqaa tukattorujussuupput ikiortissanik ujartuisoqartariaqarpoq.

Pissutsit atuuttut:

Sivitsortumik umiatsiaqqeriviup eqqaa, imeqarfiullu eqqaa tukattorujussuupput sanaartorfiunerup kiisalu imeqarfiup ajutooqattaarnerata kingunerisaanik ilungersunartumik inissisimavoq.

Taamaattumik innersuussutigissavara torersarneqarnissaanut ikiorsiisoqarnissaa, kommunimi / silami sulisut angummassinnaanngimmata suliainnut.

Innersuussut

Allaffeqarfiup innersuussutigivaa, oqaluuserisassaq oqaluuserineqareerpat Teknikkeqarfimmut saaffiginnissutigineqassasoq.

Aalajangiineq

Ilaasortaniit akuersissutigineqarpoq, siunnersuutigineqarlunilu nunaqarfimmi aqutsisut atsioqatigiinnikkut teknikkeqarfimmut ingerlateqqitassamik ingerlatitseqqittoqassasoq inummik ataatsimilluunniit suligasuarsinnaasumik sulisoqalissasoq.

**Imm. 12 Itillimi kateriffiup peqatigiiffik ”Katersortarfittaarniaqatigiit”-niit
tiguneqarnissaani qinnuteqaat**

J.nr.

Oqaluuserisassaq Peqatigiiffik “Katersortarfittaarniaqatigiit” oqaluuserisassatut siulittaasumit Erneeraq Jensen-miit akuserissutigineqarpoq.

Tunuliaqutaq:

Peqatigiiffik “Katersortarfittaarniaqatigiit” Kateriffiup tigunissaa qinnutigineqarpoq, pissutigalugu:

- Katersortarfik Qeqqata Kommunia-nut atavoq taassuminngalu akisussaaffigineqarluni
- Peqatigiiffiup tigummileraluarmagu ingerlallualeraluarnikuuvoq
- Kateriffiup pisatai tulluarnerusut, inersuarmut
akisuanaveersaatit, nerriviit, issiaviit, eqqissisimaartarfiit, madraasit pullattakkat allallu.

Taassunga ilanngullugu kikkunnilluunniit unnuiffigineqarsinnaaleruttortoq Qeqqata Kommunia-nit paasinitteqarput Kommune-mut atammat peqatigiiffiup akisussaaffiginngikkaa, imaluunniit peqatigiiffiup tiguunnapajussinnaanngikkaa.

Meeqqat atuannigfeqarneranni ornittakkatut suliffiugallarpog, sinnerani unittuuilluni unittoornikuuvoq.

Qeqqata Kommunia-ta peqatigiiffimmut tunniuttuugaluarpagu Kommunip aningaasartuutigiunnaassagalarpaa.

Innersuussut

Allaffeqarfiup innersuussutigivaa, ilaasortanit oqaluuserineqassasoq, aalajangigarlu Kommunalbestyrelse-mut allagaqaatigineqassasoq.

Aalajangiineq

Qinnuteqaat ilaasortaniit akuersissutigineqarpoq, nunaqarfimmi aqutsisut ataatsimiinneranni imaqarniliaq qinnuteqaallu ilanngullugit kommunalbestyrelse-mut ingerlateqqinneqassapput.

Imm. 13 Paasissutissiissutit / Ilisimatitsissutit

- Allaffiup pisortaata nalunaarutaa qaammat August 2025 / Itilleq
- Nunaqarfimmi aqutsisut ataatsimiinneranni imaqarniliaq 11.Juni 2025-meersoq

Imm. 14 Tamalaat

Pele Enoksen oqaluuserisassanngortitaa: Sannaviup eqqaata torersarneqartariaqarnera oqaluuserisassanngortitaaq nunaqarfimmi aqutsisut atsioqatigiillutik teknikkeqarfimmut ingerlateqqinneqassasoq aalajangerput.

Pele Enoksen oqaluuserisassanngortitaa: Panersiivissat naammassineqarnissaannut Handymann eqqaasitsissutitut allagaqarfigineqassaaq akilerneqareernikuugami suliaq naammassillugu suliarisariaqaraa.

Pele Enoksen oqaluuserisassanngortitaa: Pilersuisup quersuaata pisiariniarneranut suliaq sumut killippa? Suliaq sumut killinnersoq allaffeqarfimmiik paasinierneqassasoq siunnersuipput.

Dorthe Olsen: Kommunep illuutai atunngitsut qanoq atorineqarnissaanut tusarniaanissamut tunngatillugu paasiniaavoq, soorlu skolepasning klubbi allallu sumiiffissaqartannginnerat pissutaalluni ingerlaneq ajortut sumiiffissaqartalerniassammata kommunep illuutai inoqanngitsut atorluarnissaanut nunaqqatigiinnik aggersaaruppoq.

Batseba Karlsen: Nunaqqatigiinnut ataatsimiisitsinermi neriorsuutigineqartartut pillugit paasissutissanik pigaangamik allagarsiivinnut allagarsiunneqartalernissaat siunnersuutigivaat.

Erneeraq Jensen: Pinnguarterfiit tikereernikut sumiissanersut qaqugulu suliarineqassanersut eqqartorneqartariaqarpoq silap nillertippallaannginnerani.

Aalajangerneq: Ilaasortaniit aalajangerneqarpoq sulisussanik marlunnilluunniit sulisoqartinneqarumaartoq vejformand-ip peqatigalugu ujartuisoqarumaartoq.

Erneeraq Jensen: Ammeriviup tungaanut majuartarfinnik sananissamut neqeroortoq akilerneqarnissaa pillugu siunnersuutigineqarpoq qullersaqarfikkunnut paasinierneqarumaartoq.

Ataatsimiinneq naammassivoq nal.14:07

